

2 Yoane

Yoaneŋe ekap betŋan kulemguop.

¹⁻²O bukulpne,

Yeŋe Kiristo Bulâŋe Amboŋahâlen biwiyenŋe kepeiŋetâ Anitâŋe yâkât pat kuyiŋgimu mansai. Nenŋe yâk orop biwinenŋe kepeiakmâ konohâk otmu manmâ yâhâmbisâin. Yakât otmâ nâ kunyeŋe manmâ galempongom mansanŋe, nâŋgâyiŋgim ekap yu kulemgum katyiŋgian. Otmu lohimbi nombotŋe Kiristohâlen biwiyenŋe kepeim mansaiŋe gurâ nâŋgâyiŋgiai. ³Awoŋnenŋe Anitâŋe nanŋe Kutdânenŋe Yesu Kiristo orop nâŋgâningim tihitnenŋe otmutâ biwinenŋe sânduk sâekgât nanŋan. Yawu otningimutâ yâk yetgât wât yetŋan kinmâ den bulâŋeâk alahum buku oraŋgim mannom.

Biwinenŋe kepeiakmâ konohâk otmu buku oraŋgim mannom.

⁴Nenŋe Kiristohât den bulâŋe lâum mannomgât Anitâ Awoŋnenŋe sâam kalop. Yakât otmâ yeŋgâlen gâtŋe nombotŋe Kiristohât den tiŋâk lâum mansai ya yekmune âilongo otmu heronŋe nâŋgâyiŋgiman. ⁵⁻⁶Yakât otmâ yuwu sâamune nâŋgâŋet. Yen kerekŋe biwiyenŋe kepeiakmâ konohâk otmu buku oraŋgim manmâ yâhânomaihât emelâk den kâsikum yiŋgimune nâŋgâwi. Den kâsikum yiŋgiwan ya yiwereŋe yawuâk kulemgum katyiŋgian. Yakât otmâ nenŋe yen orop yawuâk biwinenŋe kepeiakmâ konohâk otmu Anitâhât den lâum buku oraŋgim manmâ yâhânom.

Lok perâkŋe yeŋgât sâop.

⁷Lok perâkŋe yeŋgât yuwu sâamune nâŋgâŋet. Lok perâkŋe dondâhâlâkŋe Kiristohât lohimbi nengâlen torokatbi. Yamâ nenŋe yâk orop biwinenŋe ki kepeiakmâ konohâk otmu manbin. Yawu manbin ya pilânenekmâ ari yuwu sâam lohimbi ekyongomai. “Lohimbi

nengât tihitnenje olâkgât Anitâje Yesu Kiristo himbimâmbâ ki hângângumu giop. Yâhâmâ lohimbi nen yuwuya,” yawu sâm Yesu mem ge katmai. ⁸Yâhâ nenje Kiristohât den pat âlepne kâsikum yingimunje nângânetâ bulâje otmu yâkât âi mejetâ, manman âlepnhât bulâje âlâlâ teteyingimu mansai. Bulâje ya yawuâk teteyingim yâhâwuapgât biwiyene galemahom mannomai. Yawu otmâ yâkât âi tijâk mem mannomai otmuâmâ sâp patoen yakât hâmenje Anitâje dopyejan iknjiâk iknjiâk yingimu menomai.

⁹Lohimbi nombotneje bukulipyene den kâsikum yingimai yan Kiristohât den bulâje yakât andemne wangim yeje nângân nângân torokatmai. Lohimbi ya yengât nângâmunje yâkne Anitâ orop biwiyeneje ki kepeiakmâ konohâk otmu manmai yawu otmap. Yâhâ lohimbi nombotne âlâneâmâ Kiristohât den tâj tânjâk kâsikum yingimai. Ya yengât nângâmunje yâkne Awojnenje Anitâ yet nanje Yesu Kiristo orop biwiyeneje kepeiakmâ konohâk otmu manmai yawu otmap. ¹⁰Yakât otmâ lohimbi âlâ me âlâne yengâlen taka Kiristohât den andemne wangim âlâ kâsikum yinginomai yamâ emetyejan ki dâim yâhâ katyekmâ sot um yinginomai. Me ki herone otyingim yâk orop den huhunomai. ¹¹Yâhâ herone otyingim yâk orop den huhunomai otmuâmâ yâkne den perâkne lohimbi kâsikum yingimai yakât matne Anitâje yâk yingiwuap ya yen gurâ yawuâk yingimu menomai.

Den bâine sâm hâreop.

¹²Nângân nângân âlâlâ biwinan tap ya hârohâk kulemgum katyngimbâm yamâ nângâmune umatne otmu pilâm den pâje tâlâwâk yu kulemgum katyngian. Yâhâ hâmbâi nâje yengâlen takamune eņaknom yanâmâ den yu torokatmâ alahum herone nannganginongât nanjan.

¹³Otmu Anitâje kapi yu ambolipne meyekmâ Kiristohât pat kuyingimu manmai yaņe orowâk nângâyingiain.

Nâ bukuyene,
Yoane